

悅

親

樓

詩

集

悅親樓詩外集總目

卷一

五七言長律詩八十首

卷二

五七言長律詩八十首

官翰林久螭坳橐筆之餘芸館紳書之暇時作應制體詩以自課并

廷試諸作積有三百餘首茲選十之五存爲外集東坡云賦詩必此詩定非知詩人獨此體必以切題爲工自愧不及唐賢聊以備黨塾觀摩之助乾隆丙申門人陳秋水爲余所刻廣雲初集卽此第一卷

悅親樓集

總自

中詩也德麟識

悅親樓詩外集卷一

海寧祝德麟止堂

五七言長律詩八十首

樵夫笑士

草莽求王道高談偏采樵詎知儒有服翻異類爲招吐
茹言皆謬譏彈識轉超藝林空結榦學圃任垂條名以
章縫貴聲緣負荷鉤但聽辭碌碌奚取志寡羣伐木情
難合披裘氣自驕

聖朝薪槱化漸被到芻蕘

召試春雨如膏

維屏雄三浙

時巡駕六龍韶光春正麗甘澤雨初逢石髓流脂滑天
漿浥酒釀著花紅覺重霑柳綠尤濃湖面輕陰合山頭
濕翠重一篙桃漲膩千耦麥泥鬆奏賦稼羣彥

垂草念庶農

湛恩優渥處志切

翠華從

江漢朝宗

行地功思禹治天意警洚欲教流到海先遣漢歸江雲
夢波吞七荆揚澤匯雙兩條歛巨浪一道瀉飛淙象比
躬桓觀聲疑劍珮攬導山遵路入向若望風降川后徐
游轡湘靈竝引幢安瀾當

盛世會極偏遐邦

一一吹竽

齊廷精鑒別責實試吹竽旅進原難辨雷同況易誣但
教班秩秩爲隔響烏烏次第更番入分明度曲殊鳴簧
聽斷續擫管異鳴子鼠豈名清璞魚寧目混珠當時窮
贗鼎

盛代去圓觚末技都無濫何論學古徒

游絲

搖颺如游戲名絲認處非臂空當畫靜照眼得光微豈
是縈蛛網應難上玉機紙寫天半裏野馬日中飛欲墮
愁無著將飄更底歸風吹尤縹紗絮起亦依稀逐片黏

花塢隨竿漾釣磯有時林下立不覺惹羅衣

竹箭有筠

君子堪方竹貞標著禮經不因筠有斐應共柳先零籜
破雷時翠皮存雪後青葆光瑩澤澤挺節表亭亭薄粉
涵清泚明玕映畫櫺春風迎峭蒨秋月寫瓏玲競羨虛
心美還緣素質形東南如作貢栽植傷

堯蕡

旣雨晴亦佳

量課關

宸慮迎朝望雨皆已符三日瑞方懶

九重懷薄暝開松殿新晴上柳街如酥青欲滴似沐翠

堪指乍喜神膏足旋看化日偕晨昏疑候變調變見功
諧意滿人咸暢心怡景盡佳休徵時若應延賞在

堯階

被褐懷珠玉

美玉離荆璞靈珠出粵江懷之由被褐寶此豈迷邦明
月光盈袖晴虹氣滿腔服膺期弗失披腹示難降藍縷
生輝倍鶴衣射影雙誰能笑寬博試與辨玲瓏投路防
人盼揮毫喜筆扛奇珍終莫闕待聘謝蓬窗

清如玉壺冰

勤慎清爲本孤標可喻冰已宜瑤席薦況以玉壺承寒
采渾難辨炎威滌欲勝中邊雙璧映表裏一泓澄靜與

山罍對明疑水鏡凌素心珍月片爽氣徹層層潔自方
封鮓汙寧懼點蠅

金甌萬年固廉法喜同升

水彰五色

是色都因水彰施妙用涵漾波曾染黛浮漲亦掩藍質
本鮮明具功還畫績堪棄脂丹滿渭濱硯墨成潭采繡
看相次元纏待入三淺深惟所就濃淡總宜察錦濯文
章顯毫濡粉澤含

鴻猷同潤飾斧藻德何慙

爲有源頭活水來

川上蕩徘徊悠然歎水哉沿流相問訊竟委漫疑猜其

識滔滔去誰知混混來會心探宿海得意契靈臺不是
坳浮乍非關雨集纔一泓含活潑千派散潔洞有本看
觴濫無塵愛鏡開淵泉微妙理上善

睿懷賅

萍始生

鏡水清無滓萍生及暮春方塘鋪去細曲沼著來勻未
許和風約都隨禊事親山痕窺寸碧魚影漏纖鱗飄泊
將何底零星已遍陳荷錢容後會柳絮認前因浪跡同
遊子浮蹤覓此辰幾時能結實薄采楚江濱

玉卮無當

琢玉因成器爲卮定寶諸如何彝粟能不可酒漿儲入

手摩抄後驚心缺欠餘江河無計實涓滴總歸虛豈迺
嘉賓用終噬抽匠疎中邊原美好斟酌獨躊躇恰比旋
杓斗還同說輞輿自慚圭瓊質瑟彼映

丹除

草銜長帶

是草誰裁出紛綸繞砌佳映袍青欲如銜帶翠如指纏
纏風前颺繩繩雨後排學書紳可擬委佩帨應偕環抱
康成徑橫拖茂叔齋縈絲宜柳拂襯綬愛花埋施處蘿
難竝牽時荇莫儕自當齊屈軼掩冉近

天階

田鼠化爲鷺

飛走寧同類無端鼠化鴛岸傍非拱立巢際卻攸居委
蛻皮難相連軒翼漸舒迎貓應不畏欺孺湯相於樓去
桐華後翔來麥浪初臂肝思狡猶蜃蛤比乘除五技何
能挾山名信匪虛芸窗繙爾雅箋釋竝蟲魚

有物混成

大道何從索凝然物混成圓神真不器渾噩孰能名卵
孕元黃雜九跳日月明果仁含妙理蠶爾闊眞精氣母
於茲具天倪所未呈藏機原溟涬繫竅湧經營穆穆窺
無極淵淵溯太清一元基

宥密至化自周行

昭文不鼓琴

予慕無物我昭氏共靈襟獨契希聲樂因忘在御琴頎然人不見鏗爾韻難尋鴻自飛雲表蟬憑翳樹陰海天弦外意山水匣中音情性何由滯成虧豈互侵已超膠柱跡未賞據梧心若作

虞廷奏薰風感最深

砥厲廉隅

儒者崇坊表平居律己嚴德隅尊畔岸器宇峻堂廉益有磷繙累仍教砥厲兼琢成圭角峭淬出劒花銛瓦合終非計稜磨詎莫嫌巖巖增氣象落落聳觀瞻時假他山錯還因介石砥束身原自愛
至教況摩漸

駟不及舌

最疾無如駟相形未抵言試看三寸掉何似四蹄翻過
隙終畱影追風亦滯痕輔車非善守神馬欲狂奔鼓處
防無當搖時懼不根置郵空比象炎轡漫提論一縱將
安索輕饒本莫捫先鞭惟所慎休詫舌猶存

一月得四十五日

寒巷勤操作相從織素練壺中羲馭短燈下女紅嚴軋
輶鳴機軸鎗鎗聽漏箋三旬教併算半月訖能乘明燈
重輪照功寧一線拈欲煩和叔正不畏大人嫌繼日餘
堪惜歸奇間竟添偷光攻學者好爲勵針砭

山明望松雪

不見青排闥遙林雪滿松迎眸明霽色積素照山容螺
髻依微失龍鱗黯淡封寒光來一徑蒼鵠認千重飄瞥
當風穴晶瑩麗日春壓應和蓋偃消合作濤衝皎皎迷
銀海皚皚辨玉峯何如萬年樹深護五雲濃

冬日可愛

愛此窮冬候寒空旭日昇暖應茅舍徧喧自纏磨承未
比遲遲麗非同赫赫騰晉臣賢可擬宋野獻何能過徑
難融雪臨池不半冰珍原逾尺璧繫欲借長繩炙背誰
教駐傾心最足悲如春當

繼照和煦八荒膺

座角解

角解冬殊夏誰將麋麈分

一人窮物理千載正前闖靈圓當新蛻中官眎舊羣不
愁逢樂伯非恐折朱雲有尾資談柄稱名見說文雙拋
葭管動對舉雪花紛時凜羲和

授經明呂戴夢發蒙南土士悅服仰

云云

歲寒知松柏

松柏當春夏羣材一例看忽驚搖落易方信後凋難雪
凍蒼皮老霜凌翠葉攢貞心相眷戀晚節兩盤桓薄曉
誠先謝堅剛亦竝殘山中參蘈古澗底作淵寒天地留
真色炎涼不改觀好將梁棟質度取上

朝端

雲在意俱遲

樂意相關處當頭有片雲徘徊猶露跡搖曳自舒文
是因風卷渾忘觸石分素心通靄靄塵慮息紛紛擁樹
攢屏影過溪漾練紋相遭原淡泊卽境淨聲聞妙趣何
從得天機詎可云願言懷戚懿延佇更殷勤

舉趾南畝

玉趾勞親舉三推已降監蓄畚今日往蓑笠兆人咸接
踵同魚貫隨行似雁銜杏花紅入望夢穎綠舒緘儘婦
齊邀伴農書乍發凡行看鳩拍拍語雜燕喃喃背者曾
于耜他時更載芟幽詩闢

睿慮乙夜啟瑤函

春寒爲釀花

青帝惜花姿繁華斬故枝當春寒未退作意釀教遲薄
霧濛濛鎖輕陰漠漠欺機緘遙陌寄消息隔簾知綠葉
將舒候紅苞欲坼時似愁芳訊了不遣好風吹待到暄
妍日彌深晚晚思陽和

天地德及早降恩私

燕乃睇

其羽差池燕子飛自遠郊往還如睥睨下上在堂坳故
壘塵猶涴新泥跡未膠到逢春社鼓來覓去年巢審諦
棲求穩綢繆計恐淆杏梁朝日射珠箔晚風交楚楚衣

初試盈盈翦乍捎夙霑賢主花詎忍舊痕拋

屈刀爲鏡

剛克柔爲用明生健更兼乍看刀出匣忽反鏡開匣金
錯當年贈菱花此日拈千金遺寶鞘一旦是晶簾無復
防身利偏餘照膽嚴舞驚鸞彩盤切憶玉沉鈍宛轉隨
心曲分明繞指尖呂虔明久佩

仁壽此同瞻

吹面受和風

和風天際軟搖颺及芳期但覺於人近能勝著面吹目
光羣動媚鼻觀衆香知走馬休障扇觀書莫下帷曲閣
凭欲遍小院立方遲快豈披襟候狂殊落帽時斜看輕

燕羽仰數紙鳶絲延頸承

恩化冷然被廣陲

蟾螟巢蚊睫

誦小真難破蟾螟識豈滑於蚊能辨睫知止竟來巢豪
末從何逐鍼鋒曲爲包聚聽聲殷殷飛任羽梢梢未必
如山負寧論有口交驅蛩憐可想蠻觸鬪堪嘲野馬氤
氳合醯雞瑣細拋容身雖一瞬端異旅人爻

笙磬同音

位取笙生美鳴球欲振終肆閒金奏合堂下玉音同庸
頌方相對巢和調或通淒鏘雙闕畔清越兩階東琴瑟
鐘無間雅南籥盡融龢聲依樂闋設虞應陽中眠暎周

官掌編縣射禮隆

虞韶來獸舞戛擊后夔功

案周禮既昏掌擊笙磬顙磬鄭注磬在東方日笙
笙生也儀禮大射禮笙磬西面其南笙鐘鄭注東
爲陽中萬物以生是以東方鐘磬謂之笙磬編縣
本詩毛傳笙磬東方之樂也同音四聲皆同也卽
朱子章句亦但言磬樂器而不言笙則斯謂笙磬若
者猶之笙鐘之名不得曰爲二器蓋八音之中石有
最難調高頌曰依我磬聲言石有一定之聲而眾
聲依焉磬旣與琴瑟諸樂同音則樂無不和而後
以雅以前以籥咸不然也唐人李益作未龍發揮
猶不失斯旨近世賦此題者大抵笙白笙南磬白
磬瓊據依韻經注疏作此正之

虛舟

豈是容刀地舟行任疾徐無端竟相觸熟視始知虛野
渡縱橫後輕帆乍卸餘鷗心閒上下蓬梗汎吹噓欲憇

人安有將呼氣已舒底須忮飄瓦亦等過蓮廬天際聊
達彼水濱漫問諸幅心能自化利濟更何如

其臭焦

別味方言臭微茫鼻觀承丙丁當火近燥烈覺香升直似燒桐後渾疑麝栗曾鑪中聲乍報釜底力難勝沈水初繚篆明膏欲燼燈問心勢可擬搔首疾堪憐祀竈應餘氣扶陽適取微薰然君子德範朽莫同登麝栗事見遼史

律中中呂

中呂宣陽氣推移中律筒三分雖兆徵六寸自爲宮達滯吹常滿迎暄候正融生從無射起變與應鍾同乍啟恢台令能舒長養功雁行疑次二鳳管適居中洗已新

羣物麌應繼化工

明堂居左个解懶譜虞桐

風過簫

何嘯天然發泠泠過簫初本來風善入恰得竹相於宋
咬空諸有參差動不居圓聲流條忽直響妙吹噓異聽
秦臺畔同聞魯壁餘與申由震出咸感木離虛快劍機
尤捷絃箏韻轉徐永永從律化草偃八方如

羞以含桃

晉桑寧教雪羞桃及此甘異時人細寫滿樹鳥纔含已
向朱離熟先從紫禁探上闈擊未衢寢廟薦初諳色映
璵盤爛津回玉露酣獻新珍火齊敕賜次筠籃物等溪

毛薄名將崖蜜參拜霑曾飽食帶籠促歸驛

秧鍼

俶載農功紀秧田舉趾臨黃冠齋一束翠剝簇千鍼種
種抽科短繖纖入把深隱鋒含欲遍脫穎出難禁最得
勾芒力寧儕寸草心插應畱馬跡歌或和鳴音列野痕
教補分畦度與尋神工原默助遮莫認敲金

魚戲蓮葉間

蓮葉抽將遍游魚宛在中迎薰曾自北向旭亦徂東瞥
見南塘靜無端右界空四圍障蓋綠一陣蹙鱗紅鏡面
田田繞湖心策策通閩開萍點外圍聚翠窩叢來往初
無定方隅更底窮蓬瀛清似拭於初契

悅親樓集

卷一

十一

淵衷

槐陰午圓

畏日當亭午高槐散碧莢陰圓張似蓋影直測如圭烏
彩經天正龍形蔭地低傾陽過始旦返照未平西人夢
憑柯轉蟬吟翳葉棲圓圓連璧合罩罩印規齊學市週
遭寫宮牆取次迷靈根知獻

壽

睿藻荷重題

太學古槐於之年枯幹重榮

慈寧六旬萬壽上爲繪圖題句

列子食豕

列生工豢養杜德返衡茅蠢蠢寧人立皇皇但豕交精
心營罔搘壹志課芻茭豈有從招慮應無弗愛嘲伺如

同類近專不異情拋爲彘謀何切於豚察恐滑御風聊
息駕執繫并治庖莫以遼東見卑之共斗筭

荷香薰水殿

別殿芙蓉裏浮空類駕艤氣因通戶牖香不雜蘭芷脈
脈滋紅粉田田擁翠幢水晶眞作界雲錦迴閨腮脾沁
芬如醉心清暑自降芳馨兼暮雨風味似秋江畫舫橫
三五輕鷗起一雙誰家圖障子花霧隱淙淙

其數七

離火終於七南謁運遞更過剛占弗用當暑數初羸撫
軫風絃動從星斗柄橫詎同來復日未切報章情隔八
堪求偶遺三不取盈推遷因夏假長養繼春生形上河

圖綴迎炎月令成

聖人調玉燭天地泰交亨

蟬始鳴

斜曳高柯去疎蟬始一鳴響從長夏報韻似隔年清鼓
翼機含澀垂綏質化輕豆棚人曉起槐院雨新晴疇疇
何來集寥寥入聽驚斯螽偕動殷鵠鳩共流聲預想青
林樂遙憐碧樹情居高如飽露飛飲傍金莖

下車泣罪

四載隨刊後勤民未弛擔戒途逢桎梏揮涕幹趨邇惻
怛仁心現汎濶悅澤涵懸轄非不教投網爾何甘井本
無知入湯寧有意探法行偏觸舉刑措迴懷慙駁索思

明德停車紀美談協中欽上理

聖治始同參

采菽中原

荏菽當秋實中原靄綠雲盡歡親可奉薄采穀能分一
頃防其落千疇望莢殷管筐風露滿藉顧婦男羣事比
收禾急功如園草紛烹葵談老圃辨麥笑多聞但看盈
籜足緣知肆力勤書田還有味莫自負藏芸

忠信爲甲冑

甲冑聊當敵衣冠莫笑儒服忠資捍禦戴信衛肌膚金
鎖何曾被朱縵亦未紓詎知樽俎折卽在腹心孚組練
猶穿射兜鍪或免趨胥藏驚數萬躬擐少千夫爲寶同

犀革含光卽貝珠章縫能學禮武備豈云無
雨不御裘

裘豈蓑同價偏難冒雨裝授衣公子貴需體路人妨渠
列求誠急淋漓禦未嘗但須青箬影不尙翠雲光晏粲
毛身澤蒙戎服飾彰寧無水濡慮焉得瓦爲良適用淮
南喻因材

聖代詳千金看集腋登俊總非常

山山口

響應機原捷憑高易振空徐徊山有竅嘘吸口無功本
以人聲召翻疑地籟通樹間吹劍似竹裏過簫同音震
屏顏際形藏翕闔中津津泉噴薄齒齒石璫瓏感氣如

問嘯凌虛欲警蹕

鑾輿春展義萬歲正呼嵩

契舟求劍

遺劍人乘不繫舟舟行劍止兩悠悠倉皇或恐移時失
刻畫將從落處求腕底蓬窗堪指點意中練帶任沈浮
乍疑蘭槳衝龍氣自喜蓮花繞鶴頭掛席已看千里遠
扣舷還認一痕畱固知膠柱同凝滯枉遣然犀照險幽
雀舫盈盈惟鳥狎魚腸渺渺祇鱗游拘墟曲士徒貽笑

象罔元珠自冥搜

鴻毛遇順風

碧空風色利何如早有冥冥健翮舒已見鴻毛驚厲疾

況逢羊角助吹噓直同破浪舟行候非比揮絃目送初
漸陸羽儀原得路隨陽翅力更凌虛石尤爲阻知來者
牛馬相憎亦聽諸且趁飈輪應莫闕欲畱爪印豈容徐
應求嘯谷疑從虎際會登門類縱魚自喜迴鶴遭

聖主三霄清切任攸居

藕益節

積數堆從雪藕占最憐冰玉在幽潛淨因菡萏根原淨
纖質質審節比纖十二木來相比耦奇零分外卻平添
桐枝共展三春葉桂魄同明一度蟾百孔玲瓏通不礙
千絲宛轉續無嫌定增碧蓋凌波數乘放朱華帶露拈
能應天時知閏衍未登世界尙泥霑亭亭看取吳中貢

正值

堯階化日恬

因方爲珪

豐銳良珪制爲方臬可通班形坤德合積素雪花同明
釐輸璇月光疑耀白虹不踰偏中矩似翦或因桐慘慘
藍田上霏霏玉水中無心噦瓦合有玷想塵蒙旋折隨
方位廉隅本化工瑤階惟所遇未敢笑圓融

蹠水機

帝治曾聞樞在水更將廣運喻靈機折旋自得虛中用
騰蹠偏教就下違犧砌蛻來蛇骨出聯翩銜著雁行歸
輪埋未免泥猶辱轂轉隨看漲已非桃浪無端同海立

蘋風有勢助泉飛躍之始信能過賴逝者誰云不可礮
井上挈瓶空守智隧中抱甕渴貽譏幾時仍返流行性
人散斜陽碧皺微

一樹百穫

嘉穀三時看穎粟名村十稔喜輸囷國楨難得原無種
邦本從來在有人利賴自應收百倍生成初不計秋春
仁畊義種功非易傾覆栽培質本因孰謂報予同鹵莽
幾忘玉汝費艱辛千倉盈是惟馨德萬寶登爲待聘珍
食稅子孫疑服舊植根旦暮豈懷新良田晚歲苦豐瑞
要識先疇雨露均

繪事後素

太素質之始華綠踵事增練光非夙具繪事却何憑
自尊須別青藍義本仍調鉛彩水妙拂盤擅場能共競
花生管誰知璧點蠅後先宜早辨次第止相承爲絢言
詩可資忠學禮曾

虞廷如作服賁采自堪勝

登春臺

聖世治平洵有象春臺今乃喻雍熙本從壽域安磐石
曾向康衢搆始基爽境已欣登百尺韶華況復冠三時
四陽和會機方壯萬物光輝澤豈私對景直疑蓬鵠濯
披風那復辨雄雌下臨王道無偏黨環拱情由偏潤滋
如此高明天下見自多豫順眾人知奉牢同享生成德

帝則真符柱史辭

魚陟負冰

春令當三候暄回地氣升魚潛將半水風解未開冰雲
母光雖薄頗黎質尙凝揚鬢爭欲上壓垂芒難勝直誦
同資負何時共鯉登冠山翻有象縱壑竟無能蹭蹬從
鱗隔沖湫待鏡激會看桃浪裏搏擊化鯨鴟

狙公賦茅

畜狙巧試狙公術顛倒依然賦與均略比養羞固有旨
乍看收茅未全貧分甘數限三而四再飽時從夕與晨
後食袁多偏失喜先嘗加少已回嗔盈虧畢竟何區別
號笑無端本性眞兩候博闊仍不費一般居贍豈閑仁

栗棟攜取同施惠鹿豕居遊悟理人自古順情惟養欲
熙朝眾志協天鈞

冰炭不言

物理分明竟待言試從冰炭溯根源炎涼第覺行其是
黑白誰能定一尊有意語蟲疑暗啟偶然刻獸熱中存
療從凌室難消熾藏近薰爐冇附暄體用何妨區燥濕
性情各自喜寒溫引鍼拾芥嗤潛契約漆投膠反寡恩
終古判形還默喻一時責實好同諭郅隆不在多條教
唯以忠誠洽化元

捐金於山

披沙百鍊得金兼一旦捐山豈矯廉忽見滿籠輕化擲

竟如照乘任淵潛精甚寧必攻子礪寶質何須洗以鹽
在谷玉音心共想不貪銀氣夜同瞻本來鑿礪榮光出
仍遺棲巖物性恬青蘿離披枯復苗翠微葱蒨潤重添
莊生葆素神完備唐帝還淳意謹嚴唯有
至人能益下御珍藏富樂均霑

草色入簾青

草長榮舒甲簾垂字亞丁恰逢人靜坐不覺眼俱青黛
色濃如許湘紋卷未經幾重看掩映一桁寫瓏玲風轉
疑侵幌光搖欲染屏芳鮮浮汗簡綠意滿閑庭窈簪幾
難隔參差詎可局他時化螢後巧入尚流形

梯倚綠桑斜

曲植治方急紅蠶浴正齊求桑迺綠徑倚樹有丹梯穩
許初桃上高容歷級躋斧聲連遠近人語隔東西葉接
層難顯枝欹影轉迷曉攀防露滑夕下趁風低十畝叅
差見千林錯落棲忽看牆下過筠籠緩行提

柳塘春水漫

雪凍冰澌解方春暝潭和柳塘圍碧沼桃漲染青螺直
拍雙隄滿平添幾尺多橋橫浮雁齒磯沒蘸漁蓑浪約
長條罨風牽翠影拖船行天上坐魚樂鏡中過一寫無
邊勢微興不定波羣生涵

主澤流潤徧江河

言行樞機

榮辱惟人召從違識理通出言等由戶制行類張弓大抵分門應由來志毅同轉關神驗捷省括德符充闔闢難捫舌操持貴反躬啟羞常自審中節孰能窮樞在旋乾外機存射已中

盛朝風偃化

建極自深宮

簫聲吹暖賣餳天

晴光撲撲草迢迢粥釀飴香冷食調宰肉人來同社鼓賣餳擔過滿街簫膠牙曾送屠蘇節盈耳剛逢百五朝便覺箇中生意鬧果然簾外薄寒消參差籜引柔風暢暄暎春回雅管饒綠樹人家驚晚晚杏花巷喜招要

但聽洞達聲皆徧從此陽和氣漸驕比竹若教裁鳳翼

藍子忠

切

客

金闕和諧韶

杼井易水

清明改燧曾分火杼井還令及暮春津潤上行原待養
毒流下淤莫因陳每乘陽氣騰邪穢能使寒泉病里鄰
穿土厚教流惡易浚源深爲除汙頻銀牀蔭葉還依舊
玉虎牽絲盡向晨洞駒衷中寧復射犢羊缶內豈能神
異瓶試掣淘餘冽綺縷爭提彝後新勸相勞民咸受福

叟緣食潔頌

皇仁

悅親樓集

卷一

九

木雞

慎晴利爪爭言勇似木雞誰蓄塊然形立忽疑雕琢就
機藏聊復羽毛全矜豪始已當場癢應響中猶逐物遷
撇捩雄心四旬伏崢嶸客氣一朝捐飛鳴欲擬公輸雛
冠距渾如墨翟鷺大將成功原不戰至人杜德始無前
豈真刻鵠求神似可與屠龍驗技專同類望風都却走
還將敵爵笑鷹鶴

布穀催耕

天心惟寶稼春氣已鳴雷豫恐農夫怠因令好鳥催呼
名偏警急布穀莫徘徊銅夢熟乘秋刈秧新及早栽拉木
名布穀鴨有韻麥插禾散絲音正聲發脈土方閑眾響
之聲各以其時爲農候

流桑棘千邨動笠臺黃鸝休竝喚蒼鳩許借來
聖主勤民事犁先

御藉推

拔葵燔機

蓄葵鬻布利原公益下當師魯相風曉看園丁供菜把
夜聽室婦織絲纓青青帶露登盤美軋軋鳴梭中幅同
老圃定慙藜藿具寒家翻媿素縑功欲敎搢搢勞何用
井恐螽螽貿轉窮鋤去忽驚千本盡燔餘翠訶九張空
蔬茹無可分民計杼袖難容病女紅若使寰瀛忘
帝力惠心惟溥不言中

以禮爲翼

小大皆由禮於人寶衛生有皮還可相無翼豈同名能
使筋骸固都緣度數精質如毛附體文乃羽畫聲八極
真何礙三千亦待行輔身疑左右遊世任縱橫詎止門
斯譬非徒器是程

聖朝民納軌品節總詳明

澤下尺

出地禾苗短殷勤望澤俱遂生機正迫塗而說非誣土
脈乘時發天漿就下濡膏之欣得尺苗者恰同符輞木
潛尋丈雲纏合寸膚何嘗報鹵莽偏欲較錙銖滲漉猶
如分裁培理不殊

湛恩渝溟處福德總心孚

風簾人雙燕

小閣褰珠箔輕風起絳幢卷簾鉤乙乙歸燕羽雙雙乍見烏衣度微聞寶蒜撞巧排青瑣闇斜掠綵繩橦瞥過形仍偶高飛勢轉降雄雌尋故壘下上彷彿窗翦擲將泥涴旌搖送響璇湘紋垂放後棲宿伴燈缸

升嶽浮海

竹素游情博與餘尊經要足槩羣書岱宗峻極諸峰小滄海淵涵萬谷虛但使躋攀窮日觀試教沿溯遍坤輿嵩衡自媿眞形配江漢猶慙細澤濬不可升階惟聖域更難爲水類歸墟欣逢

嘉會千秋盛

特訪遺編四庫儲俯納百家同土壤量收眾子亦沮洳
管闕謚酌操觚士聊仰

高深在石渠

側理紙

造紙昔爲質行行影曲遞衍波翻碧藻側理亂黃麻條
紊治難整文迴織比斜臨池疑皺綠正筆反生花魚網
春同密鳥絲界恐差巧裁自南海博物有張華麟角曾
借錫鳩塗敢湯誘御蒙

天賚寵數番惠無涯

時御賜纂齊永樂
大典諸臣宣德紙

好寫留真

漢代求書鳩祕箇河閒好古亦搜羅但教善本來千里

亟遣鈔胥寫一過償以絲綯惟副墨角之金帛是餘波
亂真誰復還祇辨溫故終嫌贋鼎譌

盛世文明原莫匹

聖心正大更無頗家珍競獻高曾舊

御製親題泰華峩仍使經箱昭法守鑿留壁府待編摩
傳林藏弄尤榮幸大雅流風曷足多

管中窺豹

赤豹其文蔚誰闕自管閒留皮常炳炳注目亦斑斑全
體雖無睹圓光詎有慳自他同過隙阿堵妙循環毛澤
知藏霧姿雄想在山箇中形宛轉象外悟蹁爛狸首歌
堪竝懸身舞孰嫋

昌時君子長變革滿賢關

捧海澆螢

海水庸堪測螢光本易銷如何微火爛却待巨波澆草
徑看生滅桑田問長消混茫驚手掬熠耀想頭焦豈有
星星燄能當滾滾潮奉盈心以慎撲燎勢難驕正值寰
瀛泰寧客小醜跳

王師等時雨尅日息氛祆

時征勦金川天下臣民延頸望捷

稀膏棘軸

觀貯稀脂滑車憑棘軸旋塗膏方沃若載地已油然潤
莫教生角輕還任轉圜勞薪樞袞袞炙轔口涎涎要識
馳驅妙都因滑澤便扶輪似流水推轂礙方穿利用雖

相濟循行在所先慶詞通敏悟左右尙親賢

御試善人爲寶

惟善爲邦寶登崇道益光人思薰厥德天亦降之祥最
樂家修素旁招國紀彰物原稱可欲價合待非常直抵
豐年玉幾侔特達璋勝殘功自廣藹吉類能良汲引賢
材出觀摩士氣昌

睿懷同舜量取與更無方

悅親樓集

卷一

三

悅親樓詩外集卷一終

悅親樓詩外集卷二

海寧祝德麟止堂

五七言長律詩八十首

春草碧色

南浦離情切東郊草色新屈鈞黃漸褪坼甲碧初匀
河畔晴光映窗前雨意親豈榮藏血地定惑看朱人山遠
青相照波濃綠共皴淺疑天水染深與玉華鄰冉冉迷
雲態綿綿惹麴塵寸心長自許報答及陽春

金玉爾音

眾口奚憂錄斯言可汝瑕莫教空谷遯顧遺爾音遐斷
本同心合靡寧有玷遮正須資砥礪何事忌諱譁獨寐

槃中告古法切懷珍席上誇盟要一諾重咳唾九天賒漫道文焉用應思德最嘉駿駿從此逝欽佩愈無涯

三豕渡河

繫事例從日稱兵書渡河十千時在已二首字非佗忽訥乾成畫還疑蹠涉波幻同人立異數半鷁飛過假借形原近流傳義轉譌烏焉誠似矣魚魯竟如何晉乘徵文覈商言博物多石渠登四庫掃葉慎編摩

工先利器

善事工需器呈能貴若然賤良稱莫顧利鉋別宜先攻錯矜天巧力斤惡地遷發硎摩厲待得手挾持全不是因風運烏山驗技專芒非解牛顚削毫造猴指尋肆堪

求道居邦尚景賢裁成蓬

聖教朽木亦雕鏽

支離鼓筴

形虧神自壹餉口有支離縫綻方治繅低昂更鼓筴脫
看春鑿矣精待簸揚之糠粃紛紛舉泥沙陣陣披手隨
風上下舌與物推移種樹名同遠承蜩技未奇勞無徭
役若養有栗薪資此是天全者潛修德可知

席珍待聘

比德珪璋特崇文符纁敷珍還重席薦聘合禮羅殊已
是希聲蓄終應待價沽衒知心足賤棄地貨寧需寶善
蓬

嘉會掄材引碩儒我求薰且沐文器璵兼瑚鄭重期無
負藏修貴有孚弓旌非易應

廷獻竹良謨

七月食瓜

瓜熟當秋序纍纍采食堪分疇風露美得味色香參玉
瓈浮光冽冰盤薦共貪宿酲思解渴午夢正回酣涼鎮
心苗靜津條舌本甘子疑榴實进瓢喜柘漿會邵圃乘
時賣幽詩卽景譜何如哈密貢

聖治萬方覃

枳句來巢

有木何拳曲惟句易致巢鷺狡憎欲避倦羽樂相交性

自踰淮變杪因過社拋棲投偏趁穴結搆恰依凹合
來禽號休加擇鳥嘲枯捲爲或許棄白落誰教柯乳思
形宵風囊詎理滑

上林翔集穩應識鳳靈苞

白露爲霜

大造嚴凝氣窮陰肅殺時忽驚霜信到卽是露華滋葛
屢行人覺蘆洲警鶴疑金華思湛湛鴛瓦認離離昔泣
花能媚今凌草亦萎色空偏有幻融結本無爲清顆難
盈羽寒威欲透肌冰堅從此兆終自畏朝曦

文昌氣如珠

參首占魁度文昌正麗天六星承斗戴一氣似珠聯作

作舒芒燦爛繫結蕊圓杓衡遙映彩將相各分權象合
奎垣聚光凝璧府穿運車剛照乘絕漢並藏淵下燭三
能位旁明五緯躔

泰符輝景曜高詠作人篇

冰寒子水

水以寒爲性因寒更結冰胚胎雖自始凜冽轉難勝凌
室冬藏乍匏尊夏飲曾澡身初慄慄砭骨澌棱棱變本
彌加厲思源或可憑喧回仍冷澹霜降遂嚴凝心片堪
相問頭銜未敢憎半春還潤物一氣悟除乘

川澤納汙

浩森川方至靈長澤所鍾其清原性定不潔亦時遙只

爲包含大無嫌臭穢從腐餘藏糞土怪物宅蛟龍蕩滌
終何滯澗涌宵自封下流居可惡上善量能容汲汲范
滂志汪汪黃憲胸恭承

天地度涓滴盡朝宗

其人如玉

玉德誰堪比斯人想像之隨風飄咳嗽唾映日表容姿自
可呈其腹毋須相以皮瑾瑜懷莫闕珊瑚器原奇未許
蒹葭倚憑教袒褐披陳平慙美好裴楷媿光儀似此難
名寶如何弗繫思白駒能暫駐寧敢汝瑕疵

鍊石補天

混沌誰能鑿惟天不可階如何鍊頑石猶說補靈媧爐

鞴陰陽具陶鎔水火譜一拳方磊落九幕忽摩揩玉宇
隨機轉銀河共鼓排隕星形未變漏雨理仍乖似綻衣
無縫寧窺管有涯神功原默運罕譬斷鼈偕

三白呈祥

昌時風雨盡和甘九幕同雲雪意酣色色是空偏幻白
多多益善乃書三前番庭畔山猶積雨更詩中景乍譜
稠疊還看太史紀豐登欲聽老農談客語畫本重教染
人說天功倍覺貪梅信暗舒巖上下麥苗腴透畝東南
窮冬卻喜花頻落大地從知澤徧涵獨有侍臣衣袖濕
摘解難免騁妍慙

懸土炭

二至書雲候誠懸物在衡土高三伏兆崇舉一陽生櫛
火光初炫葭灰氣正迎性情原不類分量得其平日自
分南北權難主重輕低昂因節判燥濕逐時更事異靈
臺驗官司伯趙精履長推

景福

聖德協乾行

守口如瓶

有物形如膽中虛口卻纖舌存常縱肆輔良比沈潛挈
莫矜餘智羸應凜象占懸河雖可喜炎輶益無嫌倒瀉
詞源竭深藏道味恬休教傾瀝液遂自謂詹炎缶以孚
盈吉厄防日出添有時隨地湧慧性本華嚴

操版欣心

昔在殷宗日徵庸野築徒輔台三命貫欣乃雨心符擦
版工同諫從繩義獨敷乍辭磬鼓役來獻巨川謨胥靡
升何驟廷臣望未孚遯荒經物色審象託虛誣惟

帝知人哲

觀書笑古拘

精評衷至理盡信不如無

養老乞言

養老處廷重三王意較敦輔予仍憲德師汝在昌言燕
饗食無缺膠庠序各尊周諸當視學就訪或登門更事
談微中研幾語不煩神明天錫嘏辭令史書惇自昔垂

隆興子

今邁古論

壽身還壽世耆碩永承恩

水以載舟

治理原無定孫卿喻獨親濟川須作檝監水可通民萬里還千里來津復去津江河程不礙篙柂用常伸自具靈長德同爲利涉人安危惟所值覆載亦相因爰切衣
御戒時存臨履神申孚乘木義

至化八絃遵

伯樂相馬

良馬誠難相惟逢伯樂宜千金猶市骨一顧豈因皮目

混驪黃色神遭滅沒姿意中遺跡象眾裏出權奇冀野
空羣日鹽車釋駕時名材天下重特識九方師略等通
言濟非同賞駿支長鳴望雲路亦自感深知

文垂雅頌音

二雅兼三頌千秋仰至文體裁今不異音節古能分發
德看揚詡通神致喜欣雍容鳴盛典肸蠁告成動樂似
宣尼正聲如季札聞大材追百五元響嗣周殷
救命熙哉日

爲章倬彼雲盈廷方獻

壽奚止巨源云

葉公好龍

葉公傳嗜好靈物著塊奇素練風雲氣華堂變化姿破
空飛可慮學擾泰難期鱗甲如呼應丹青有慕思服章
珍蔓濩樂虞賞之而感召從天降超騰入牖窺寄情初
壹望反走轉驚疑乃悟知人哲非人不易知

鳴條律暢

不是刁調振遠空自然音節起林中生蘋轉蕙原從律
布葉攢柯易感風在樹聲方傳普暢出虛樂恍奏玲瓏
直聞天籟疑人籟欲覓伶工卽化工桐豈嶧陽清更濁
竹非嶰谷羽乘宮泠泠雖異桓寬論漚漚能符子野聰
漢殿竽絃知迭和吳都歛唱亦潛融萬年枝上休徵應
真範

虞詔理自通

好賢如繙衣

周室東遷鄭最親繙衣詩美武公身足標後代尊賢式
慨想當時好善人繙繩一篇三致意聯絲雙什首傳神
改爲改造情何婉心寫心藏致獨真秋杜道周彼君子
蒿萃野徑我嘉賓所期雅惠流邇軸不特芳型繩洧漆
德是鶴鳴糜好爵士方鴻漸際

昌辰盈廷何以酬

恩禮實應誠求道本因

閭四門

重華受禪政何先詢岳孜孜在得賢並拱穆精當守立

招徠廣遠闢門延巖阿正仰聰明僻閭閑談蕩天
九寓軒騰攀峻闢八風洞達散薰絃由根元憶方聯步
納牖夔龍乍比肩猶恐荒陬多障隔遍敎靈瑣啟關鍵
齊廷千里誠疎矣宋室重閭亦小焉惟有

聖心同一揆殷勤

說著五明篇

鑿壁偷光

學懼面牆立膏難繼晷焚因之鄰壁鑿庶有末光分處
晦明能用覃心目更勤慢藏由爾室餘映被皇墳過隙
知生自傳薪卻耀文徐吾同苦志燧氏益多聞藜照暉
尤幻螢囊意比殷何如校書閣官燭炳蘭熏

衣裳在笥

再命衣方賜元纁表俊良客施雖所戒溫予亦宜防未
可三徵貴母寧什襲藏以庸車竝錫有德服斯彰被體
原矜寵推恩貴審詳臣歌安且吉君待舉而揚繪繡虛
廷盛敷陳說命昌不須言補袞

聖治正垂裳

細草橫階隨意生

東風無意緒吹入玉階前細草隨時綠幽閨結思綿金
爐瓊佩地曉雨夕陽天痕迢深還淺叢濃斷復連亂承
花點碎半雜蘚紋閒步處遙知避看來近可憐趁塵暗
似夢侵幌碧於烟豈若

龍池畔新晴色更鮮

眾口鑠金

金火難相守摧剛性木嚴誰能當日眾可以喻言儼黑白從心造榮枯任輔咸舌疑銷百鍊身異鑄三緘傳和何分別雷同得大凡殺人賢母信棄甲役夫謫莫便矜簧巧須教有闕銜至堅終不磷空費止榛讒

褚小懷大

褚貴餘於物誰知物轉過漫言囊括此其若卷懷何褊狹原山我充盈豈自佗候糧盛亦少衣被裏非多未張彭亨腹先愁偏仄窩量難徵翕受功枉費包羅爲想休休度因懲密密科

宸衷函蓋廣容納比山河

觀書鄙章句

道不關文字觀書貴討研力能參溟涬識乃破拘牽摘
句難窺要尋章總落詮迂疎懲墨守卓犖愜薪傳欲叩
元兼妙應刪傳與箋筌歸終自忘糟粕本須捐芸館繙
紳富

綸言作述全驥珠原在領探取向重淵

陌上草薰

當春百草盡欣欣不是山蹊卽水瀆已共柳條爭霍靡
還隨花氣散氤氳香車寶馬應生惜憊露和風若助薰
踏去軟塵迷拾翠闌來芳序話湔裙榮乘娛律蓬蓬長

臭逐崇蘭細細聞豆蔻梢頭初淺夢鞦韆架外正斜曛
筠簾綠意參差寫篆鼎餘烟縹紗分獨有王孫歸未得
幾回躊躇盼行雲

中衢置尊

白獸求言切黃彝受福那中衢憑置此上理較如何味
釀醍醐美膏流沆瀣多攘熙皆獲所斟酌總含和人滿
無窮量家賡旣醉歌享牢同口悅飲社比顏酡養欲難
名惠因民詎別科不言

乾始利萬井徧

恩波

天街小雨潤如酥

東風撲撲漲氣霾一雨欣看景色佳
截餅想犁農畔土凝酥貪踏

帝城街砥平矢直塵輕壓柳瘦花肥澤細篋乍可透迤
扶繡轂不愁滑澁損青鞚馬蹄款段香泥軟

鳳闕蔥龍濕樹排昨夜小樓曾獨聽碧堤芳草最堪懷
千家罨畫明新霽萬象昭蘇暢舊荄況是

鑾輿巡省日

恩膏遠邇拜需皆

汲古得修綆

學貴窮源委功難算丈尋觀書因汲古得綆乃資深早
識前修淑多防奧義沈繼長紛觸類到底馨澄心挹注

原無竭操持若有臨象還同繙井識本異窺薄上下方
求索波瀾任漫淫聖涯游泳切祕簡萃於今

榆錢

粉榆耀秀協風前素莢規規狀列錢一串邊形成眾疊
半銖摹樣有孤圓初生未許荷莖並已落還憑柳線穿
改燧依稀鎔禁火點波頃刻變貪泉幾曾買得青春住
無奈飛來紫陌顛槐葉冷淘蒸共好杏花鴆粥和尤鮮
渾疑飲社人朋釀或是扶藜客偶捐爲想靈根天上種
紛紛吹滿碧霄邊

四月聞鶯

千章灌木陰初密百轉流鶯語夙嫋暮地聞來當首夏

始知身住在深山境幽暝氣遲陽律籟靜寥塵遠市闡
本自谷遷仍谷止乍疑春到已春還寂如太古音偏亮
嬌若新歌韻轉閑梅子雨中添恰恰麥芒風裏度關關
序刪屈指辭青旆人正支顛對翠鬟倘使攜柑商早聽
皇州二月有綿蠻

王言如絲

渙汗周寰宇其端若引機毛原惟德似絲疊喻言非割
嘶毫釐審彰施彩色輝有條兼有理人被亦人衣觸類
看伸長治棼別應違要知文命大多本道心微典誥窺
前冊經綸仰懿徽更參

精一蘊敷布古來稀

芭蕉葉大

密蔭復連叢芭蕉院宇中
卷懷心續引舒展葉層籠青
帝靈旗卓炎官火繖空參差交翠影
幕落間元功綠到天如幕遮來地
後弓有聲禁夜雨無力撼秋風題句桐
應讓彈文竹未工相思書錦字不及美人紅

螳螂當車

周道車遵轍螳螂怒忽興乍看身踊躍
直使臂憑陵袞袞如流水拳拳非服膺
智惟捕蟬巧力豈挾輜勝勵斧噦
神王攀轅笑氣矜齊君驚欲避黃雀
伺方乘

聖治同文軌寰區稟勸懲鯨鯢猶策觀
濟醜復何能時方

勦捕蘭州逆回

柳絮

顛狂隨意入人家亂拂蒼苔晵落花纔見綠夷原隰徧
忽驚飛絮隊行斜悠揚欲泊仍難定宛轉將親卻又賒
鬧似癡蛾撩遠火忙於仙蝶趁繁華自尋道路相追逐
未許兒童便捉擎風片團來惟故故雨痕搭著亦些些
偶然點硯聊堪喜若使沾泥莫漫嗟一旦萍蹤經變後
更從何處認生涯

日處君而盈度

君位大居正陽精長麗天觀文知一理作篆寫孤圓結
構多完備輪囷少絕聯跋鳥形近似垂露色相鮮布白
中心洞衍環竟體旋賓賓旣分俞兄事亦昭虔只爲尊

無上方能象獨全如昇徵

德

福

聖主正乘乾

蒲劍

昌陽品重端陽候出水青青正擺尖九節本來成劍脊
一痕直似露鋒鋸棱棱分得芙蓉鍔閃閃懸來璫瑁簾
首繫綵絲風偶快末磨櫓雷雨初活惱邪禳沴功難數
桃印釵符物共拈根可長生釀仙醞歌宜大享配形鹽
雄情莫聽莊周說黯色空勞薛燭曉幸際光天逢化日
神姦不辭也深潛

大衍虛其一

號萬皆由一推尋一本虛用從無用出元自太元儲眾
有都骸也奇零獨捨諸盈虧分動靜終始在乘除生二
根原具函三體不居數符知命孔象協識非遽宗主成
圖位神明得閏餘執窮幽贊理曼衍卦爻初

西門豹治鄴

魏文時有西門豹宰鄴民皆不敢欺河伯那容常娶婦
蠹胥相率巧漁貲譬將巫嫗投波逝頓使奸徒乞命隨
威令一行誰復蹈暴風弗禁已潛移不齊單父鳴琴理
子產咸林製錦治君子化氓惟道德惠人救敝只仁慈
三賢優劣分明在千古流傳長吏師

聖世肅清無惡俗底須術馭著神奇

竹裏泉聲百道飛

數畝檀欒直且修清泉百道咽飛流明玕掩映傳聲急
亂沫縱橫弄影稠一夜雨過增噴薄萬山風到挾颺颺
染將寒碧鮮彌潤添得喧囁境轉幽觸微含商紛悅耳
跳珠濺玉想分頭似宜廬阜高賢聽卻有唐溪逸士游
素練裂時蒼雪下白龍舞處翠雲浮招涼半榻茶烟外
彷彿陂塘五月秋

拔茅連茹

聖世登賢廣收材易喻茅拔乎連一本像也貫三爻善
類原須引芳蓼未忍拋朋從多足貴物薄用難消體豈

遺葑菲情凝約漆膠分封苴社土供祭納荆包蕭艾鋤
非種蘭荃配美葩始知耄俊萃方叶地天交

浮瓜沈李

秦谷廿初摘房陵縹乍收參差傾翁籠磊落浸冰甌美
味寒斯爽餘香漾自畱嚼來涼沁齒坐處澹延秋碁局
茶鑪畔山楹頭南皮書漫憶北面節徒羞嘉會
昌期泰詞林韻事幽偶將時物賞亦足慨清遊

玉蔭嘉穀

昔者王孫園曾傳對晉辭白珩非所尚嘉穀在能滋爲
有豐年玉真侔大寶龜神方歆六器天不害三時曰拜
明昭賜多緣瑰異姿庇禾成九穗蔭麥得雙歧水旱無

繖恩黔黎少阻飢

德馨斯足格未必賴珍奇

以玉抵鵠

嘗讀桓寬論端難定是非佳禽安用抵良玉冒輕揮
聖說開人惑和闐少鵠飛來巢防歎歲經過召兵機相
戒攜瑰寶羣從逐羽翬產原非所惜歐特怪其稀宿衛
疇咨切

幾餘考鏡微乃知鹽鐵語稱引亦無違

春日遲遲

莫道羲輪去似梭序逢韶淑正暄和祥暉曖曖輒憑候
靜晷遲遲隙待過一線豈惟增北陸小年只未抵南譌

花間玉漏頻添響樹底珍禽緩送歌賣粥簫聲方往復
踏青人影好婆娑朝傾葵藿先占向晚落桑榆尙戀柯
但看日融

三殿麗始知春在

九霄多寅賓敬授

乾心切從此舒長受福那

園柳變鳴禽

園柳垂絲弱山禽弄吭新岸容驚破臘天意愛鳴春已
試穿枝巧能傳出谷神細聽簧尚澀彌望綠初勻擇木
知何術攜柑漸有人變聲流鳳吹得氣繞龍津宛轉機
相召閒鬪語未真待看飛絮暗百囀好藏身

御試方圓隨規矩

物必因乎則爰求萬象先規懸兼植矩方出亦生圓誠
設欺何自周流用不愆範圍寧或過明巧轉難傳德具
蓍兼卦文成玉與璇蹠形惟肖也可契乃天然惟
聖人倫至從心誼軌全不踰神應感精熟

古稀年

五日一風

五月誰先卜祥風倏盈摩信爲君子德氣是化工和屈
指剛盈手聞聲已振柯月圓三度暉雨至兩番過草際
浮如約蘋閒起匪俄候疑吹管得期笑采藍鵝次第催
花遍循環抵葉多欣逢

從欲治頌美有卷阿

五日爲一候
見魏書歷志

夫子之牆

考室牆皆築誰如夫子垣巋然非扞格卓爾絕攀援廣
大始基美高堅安土敦及肩窺章識正面立何言地是
東家屬銘應考父諭誅予期改是見舜或思存衛道包
羅備尊師指說頻來遊慚薄劣空仰

聖人門

以鳥鳴春

堪喜復堪驚春來百鳥鳴風光方絢爛天意最分明欲
助文章色因添鼓吹聲山中吟太古花底啭多情到枕
眠初覺巡檐耳試傾氣機誰主宰吭舌可和平淑令尋

常過嬌啼宛轉更齋居參化理詩思窅然生

惜分陰

文命敷承日光陰惜共聞惟陶思繼禹析寸乃論分人
十已當百聖希賢更勤瞬存常汲汲日計轉斤斤初景
爭朝旭餘暉戀夕曛誰能學戈挽追復待膏焚充類言
真盡瞻

天意倍殷古來無逸士未有及吾

君

以德爲車

有極欽

皇建廟行識化流考工車合轍取譬

德惟輶義路馳驅熟賢關進退優中央臨似斗四達速
於郵軌物看民納調和類馬謀人材憑駕馭聲教寄輸
輶王屋

心非貴寰區道共由欲知攸往利

宥密自勤求

宵雅肄三

小雅初開什三篇妙發端叔孫曾下拜弟子要興觀嘉
客心鳴豫征夫力矢殫公私兼克盡恩義兩俱完鄉飲
工先奏賓筵瑟次彈教忠勤肄業示惠愴交歡鼓篋嚴
升學笙簧誘入官還將天保誦

寵禮答其難

靜者心多妙

欲叩通明諦因探靜者心天君常自泰根妙乃相尋定慧由來引躡塵底處侵化機開橐籥樂意悟魚禽漠漠雲歸岫沈沈月在林互根原宰動交養豈毘陰觸絳來何礙逢源取不禁那須收視聽方足啟靈襟

地不愛寶

安徽巡撫書麟奏報飢民挖蕨得未千餘石茲進臣未採上煮

靈貺何由集都歸

有道昌穹蒼旣昭賜富媼亦呈祥銀甕奚堪侈鉤車詎足詳作甘惟稼穡爲寶是倉箱昨歲灾因旱偏隅食稍妨救飢聊采蕨掘壤竟棲糧

而嘗之
製詩紀事

仁愛天斯格畱貽孰所藏

庸歎秉喜懼玉粒更

親嘗

首夏猶清和

曾憶韶華節乾坤迴不侔清光何澹蕩和氣自周流
首夏茲初值餘春若可畱雨過晴亦好寒盡暖方遒
麥秀香塍潤槐陰曲院幽濁氛奚自邇乖沴更無憂但覺心
胷豁都宜耳目謀吟情當此日隨處足夷猶

菽粟如水火

水火求俱應誰言菽粟珍五行原利穀百姓罕憂貧澗
邊監河貸升如改燧新中原惡掇擷私庚亦因陳攜取

資何匱叟浮用轉均常虞棄於地直可乞諸鄰爲想財
恆足初非儻不倫比闊盈止慶藏富本

君仁

麥秋

白帝司權日咸欣萬寶登如何當麥熟亦得以秋稱及
此期方屆渾如穀旣升風芒看盡仰露粒已齊凝碧浪
收芳隴黃雲卷繡塍例殊書黍稷候爲紀除乘東作功
方繼南謗運遞承

皇衷勤本計民食逐時增

江心鑄鏡

一片菱花鏡揚州刺史呈江心工幾費五日鑄初成鑪

輔鎔離火波濤鼓赤精中冷停艦舶百鍊轟蛟鯨近射
金山寺遙輝鐵甃城辟邪無戾氣競渡想餘聲樂府唐
臣勑

宸章御製賡鑑人人乃鑑

天照自光明

御試麥浪

麥秀盈芳隴風來最可觀乍欣搖穗實直似走渝瀾偃
仰千痕疊高低一碧碧攢朝翻含雨潤夕舞帶烟寒文盛
連塍鋪芒傾大野寬松濤偕謾謾柳霧共漫漫秋下蓐
車穫香思餅餌餐豫齊民計足

帝獨念其難

廣廈萬間

風雨茅初敗興懷夏屋寬豈徒千指聚頓使萬間完櫛
比渠渠潤枝棲止止安輩儕容數百匝陰是孤單突兀
胷中起包羅物外殫大裘同白志陋巷學顏歡庶有招
徯具應無蕩析歎帡幪

天覆廣得所徧儒冠

金聲玉振

欲識時中聖宮懸鑄特并擬金宣眾籟裏玉止餘聲列
位笙兼頌提綱濁亦清叩之鳴大小依我聽和平絲竹
喟于應陶匏噭繹呈貫通無隔閡起訖最分明繁會因
茲筦均調藉以成吾

皇躬是律聖智百王程

若網在綱

握要方敷極治棼在貫條

乾綱幾獨凜離綱象非遙結紐中邊徹從繩節目標提
攜臨滌水組織想清霄撒去千絲攬牽來萬縷邀弛張
惟手運操縱任心調眾有維魚兆賢原以禮招恢恢經
緯處

政治古王超

鶯聲送酒須

有酒憑誰送啼鶯聊與娛麌生曾召得公子可來無把
璣情初寂停觴思轉紆流聲矜出谷解語似提壺欲醉

嬌難竝如歌勸莫孤鳥求爰彼相友至亦仰須興遣幽人戴詩酬刺史盧

上林聽最熟寧復憶西湖

戶樞不蠹

蟲必生於腐堅貞在所遭處房可闔閼螻蛀絕摧撓旋轉根乎動機關藉以牢奚緣辭蠱裕只爲抵薪勞蟻穴從何託蟬衣莫比韜波鱗知水活追蠡笑鐘號訣可延齡悟樞惟治國操

松扉無逸効興善化頑矯

擲地作金石聲

典樂鏘金石高文底蘊精掞天原有藻擲地豈無聲字

裏宮商協行間律呂生土階寧委棄瓦釜敢爭鳴寂寂
從心叩淵淵入耳盈研都鼓吹合破壁竹絲驚原憲歌
如答興公賦乍成赤城霞起處山水本音清

夢筆生花

書竟不中嫌無端五色兼好花生筆管異夢類江淹文
罷千思構情同一笑拈玉蟲焚枕角粉蝶翻豪尖活脫
開紅豔離奇出黑甜非秋垂露幻有藻訝春添毛穎封
須換長庚兆共占覺來才思湧光談漸炎炎

文章千古事

從役文章事興懷得失林六經無異道千古有同心要
識能傳後先期必信今名山等公器流水待知音懷曾

中情獲推敲別緒尋遙邇指曠代渺渺印虛襟膏馥蕙沾丐成虧自酌斟仰瞻

天製富孰得叩高深

地道敏樹

至矣坤元德堪思樹藝固有栽皆擢秀無植不懷新百穀孽于子千材坼自仁勃興惟率性助長豈關人雨露雖時化根荄實下觀十年安足計五沃轉非倫物土宜咸利資生感最神緣知

王政速於變本

君身

德參有鄰

氣類原相召彝倫感最公有鄰心德合能擇里居同詎
別差池臭如敦洽比風輔仁憑左右薰善儼西東把臂
芝蘭室隨肩美富宮應求紛若至攀附廓然空于野占
斯利其符驗早充遙遙千載下淑艾尙無窮

人情爲田

待治人情切農功試借觀有秋田可易方寸地原寬未
耜惟三物蓄畚卽四端舍其芸是戒憂不長何難美種
滋還熟生機累莫寒心苗常葆養學殖更窮殫自慰抵
京望毋分畛域看大哉熙皞世順

則本

安安

下筆春蠶食葉聲

落筆誇書疾洋洋灑大文似當蠶飼食正值葉鋪雲透
背聲齊作抽思意獨欣免毫揮書蘭紙掃紛紛行或
蠅頭綴音非蝴蝶分起眼空際想風雨靜中聞曾視停
鸞草還藏辟蠹芸三條簾燭地約畧記辛勤

集芙蓉以爲裳

楚客爲裳異芳洲試采蓮乍裁風露潔忽訝曳婁鮮集
腋裘相似傳衣卉尙沿幅帷雲錦割殺縫藕絲穿草色
裙腰襯尊根綬帶牽菲葑宜下體霓羽稱留仙製芰情
初愜紉蘭意倍堅

黃堯逢至治垂拱協坤乾

悅觀樓詩外集卷二終

男志道
忠書
校字